



TROMS fylkeskommune

ROMSSA fylkkasuohkan

Romsa 30.06.08

## Preassadieđáhus

### DVD-boastagoarttat addet ođđa vejolašvuodaid

**– Dát lea gelddolaš ovdánahttinprošeakta, mas sihke báikkálaš ealáhusat ja mii fylkkasuohkanis oažžut ávkki, dadjá fylkkaráđđejodiheaddji Paul Dahlø ođđa dihetujuohkingaskaoami DVD-boastagoarttaid birra, máid almmuhedje 30.6.08. DVD-boastagoarta lea ođđa buvttá masa čáhket jáhkemeahttun olu dieđut vuogálaš formáhtii.**

Prošeakta lea ovttasbargu gaskal Original Film, Innovašuvdna Norgga ja Romssa fylkkasuohkana diehtujuohkinguovddáža. – Lea vuosttaš geardde Norggas go válde dákkár media atnui, ja lea earenoamáš suohtas go leat báikkálaš fitnodagat mat leat dán buktaga duohken, dadjá Paul Dahlø.

Lea Original Film fitnodat mii fuomášii DVD-boastagoartta jurdaga. Sii ožžo doarjaga Innošuvdna Norggas, muhto dárbbasjedje ovttasbargoguoimmi, mii lei mielas doarjut dán jurdaga, vai besset duohtan dahkat ja buvttadišgoahtit prošeavtta. Romssa fylkkasuohkan diehtujuohkinguovddáš diehtá man dárbu lea oažžut diehtujuohkima vuogas formáhtii, ja gávnnašii doarjut jurdaga.

DVD-boastagoarttas mii dál lea ilbman, leat oppalaš dieđut Romssa birra, nu go ovdanbuktinfilbma, govvaspeallu mas leat badjelaš 300 gova, ja dihetujuohkingihpa golmma gillii: Dárrögillii, engelasgillii ja ruoššagillii. Filmma leat Romssa nuorra taleantaguovttos ráhkadan: Terje Andre Nymark ja Torkel Riise Svensen. Ola Røe lea govvejeaddji.

Ealáhusa ja kultuvrra fylkkaráđđi Pia Svendsgaard lea earenoamáš ilus go nuorat leat ráhkadan filmma Tvibit-birrasis, mii dainnalágiin oažžu viidát gehččiid. – Dákkár DVD-boastagoarta lea maid hui buorre ovdamearka movt ealáhusaid ja kultuvrra sáhtá čatnat oktii, dadjá son.

Buvttá lea juo geahččaluvvon boastagoartan, ja čájehuvvuige ahte diehtujuohkin ollii ollisin USA:i ja eará gáiddus čujuhusaide. Goarta deaddá unnán mátkegálvvus, juoga mii lea ovdamunni go galgá vuolgit čoahkkimiidda, konferánssaide ja meassuide ja háliida juohkit dieđuid Romssa birra.

Kommentáraid addiba:

Fylkkaráđđejodiheaddji Paul Dahlø, mobiila 977 18 700

Ealáhusa ja kultuvrra fylkkaráđđi Pia Svendsgaard, mobiila 995 05 811

